

BEL


Informas

Nº 29

NOVEMBRO 85

INFORMA BULTENO DE BRAZILA ESPERANTO – LIGO

Boletim Informativo da Liga Brasileira de Esperanto
Praça da República, 54 – 2º andar – Tel.: 232-6309
CEP: 20.211 – Rio de Janeiro – RJ – BRASIL



1887-1987
Centjara jubileo de Esperanto

IMPRESSO

BEL KAJ BKE: SURVOJE AL KUNFANDIĜO



Kiel programite, okazis, la 26-an de Oktobro, la Ordinara Ĝenerala Kunsido de BEL, kun la ĉeesto de proks. 40 personoj, individuaj membroj kaj reprezentantoj el diversaj aliĝintaj asocioj.

La unua ero de la programo estis la legado kaj aprobo de la antaŭa protokolo. Sekvis prezentado de la projekto de "Regularo pri Balotado" far Jorge Soares das Neves, kiu estis aprobita, kun kelkaj ŝanĝetoj proponitaj de iuj ĉeestantoj. Laŭ tiu aprobita Regularo, oni rajtos baloti ĉeeste aŭ perletere. Poste, okazis la prezentado kaj aprobo de la Buĝeto por la proksima jaro, kiu antaŭvidas enspezojn kaj elspezojn je la valoro de Cr\$ 140.000.000. Pro la alta monata takso de inflacio, oni fiksis la jarkotizon de BEL por 1986 en ORTN, kiuj estos la jenaj:

M-S: 0,5 ORIN
M-1: 1,0 ORIN
M-2: 2,0 ORIN
D-M: 20,0 ORIN

Fine, Prezidanto Marinho transdonis la parolon al Nelson Pereira de Souza, laŭŝajne la proksima prezidanto de BEL, kiu resumis la ĉefajn punktojn de la platformo de la "Porkunfandiĝa Kandidataro":

- Kunfandiĝo BEL x BKE en unusola organizaĵo, nomota BEL, kies ĉefsidejo estos en Brasília
- Enkonduko de Nova Statuto.



KULTURKUNVENOJ EN LA SIDEJO DE BEL – PROGRAMO POR DECEMBRO/85

07/12	16a. horo	EKSTERORDINARA ĜENERALA KUNSIDO DE BEL
	17a. horo	Prelego de hungara s-ano Péter Pál Denke pri la temo "NUNTEMPA HUNGARIO"
14/12	16a. horo	Prelego de S-ano Adonis M. Saliba pri la temo "NASKIĜMAPO DE ZAMENHOF"
21/12	16a. horo	VARIA KUNVENO (informoj, poezio, muziko, anekdotoj, skeĉoj, vortludoj, ktp)
28/12	16a. horo	KUNFRATIĜA KUNVENO (La adiaŭo de la nuna estraro)

Jam aperis du volumoj de "MONOSILABOJ", la 1-a en 1967 kaj la 2-a en 1972, kun po 108 sone-
toj en ĉiu volumo. Nun aperos la kompleta eldono de la verko, kun 1.098 sonetoj, inter ili "Kro-
no el sonetoj el monosilabaj versoj, sen verboj".

Pri "MONOSILABOJ" diris William Auld, ke ĝi estas "leginda maloftaĵo". Kaj la verkisto kaj brazila esperantisto Walter Francini skribis: "MONOSILABOJ" estas elstara esperanta verko, kiu riĉigas ne nur la esperantan sed ankaŭ la tutmondan literaturon.

NOVAJOJ PRI BEL NOVAJOJ PRI BEL NOVAJOJ PRI BEL NOVAJOJ PRI BEL NOVAJOJ PRI BEL NOVAJOJ PRI BEL NOVAJOJ PRI BEL

KORESPONDPETOJ KORESPONDPETOJ KORESPONDPETOJ KORESPONDPETOJ KORESPONDPETOJ KORESPONDPETOJ KORESP

- Mi estas 41-jara, hungara agraringeniero. Mi deziras korespondi kun geBrazilanoj. Mi ŝatas historion, turismon kaj vojagojn. Mi kolektas bildkartojn. S-ro Agõtai Ede, Újszasz, Konsulte ut.1 -H-5052, Hungario.
- Mi estas 27-jara fraŭlino kaj mi povas skribi pri ĉiuj temoj. Mi kolektas bildkartojn, diskojn, esperantajn librojn kaj diversajn esperantaĵojn: Mamok Krystyna, 43-100 TYCHY, ul. Zawadzkiego 12/150, Pollando.
- Mi estas hungarino dekkvar jara: Lúria Samu, Kaposvár, Koppány-vezer u. 16, 7.400-Hungario.
- Mi nomiĝas Darek kaj mi havas 19 jarojn. Mi loĝas en Nieradowice. Mi tre volus korespondi kun amikino aŭ amiko en esperanto: Gancarz Dariuz, Nieradowice 2, 49-250 OTNUCHOW, Pollando.

ATENTU BONE ATENTU BONE ATENTU BONE ATENTU BONE ATENTU BONE ATENTU BONE ATENTU BONE ATENTU BONE

Pro la jarfina inventario, la Libroservo de Brazilia Esperanto-Ligo ne funkcios de la 23-a ĝis la 31-a de Decembro. Bonvolu ne sendi mendojn dum tiu periodo. Dankon!

ATENTU BONE ATENTU BONE ATENTU BONE ATENTU BONE ATENTU BONE ATENTU BONE ATENTU BONE ATENTU BONE

DESPESA		RECEITA	
<u>Pessoal</u>		<u>Ordinária</u>	
Salários	27.000.000	Anuidades	55.000.000
Prev. Social	5.617.000	Donativos	<u>5.000.000</u>
FGTS	2.160.000		60.000.000
PIS	<u>223.000</u>		
	35.000.000	<u>Extraordinária</u>	
<u>Material de Consumo</u>	17.000.000	Serviço Cursos	30.000.000
		Serviço Livros	30.000.000
<u>Serviço de Terceiros</u>		Aplic. Financ.	10.000.000
Edições Div.	30.000.000	Comissões	5.000.000
Franquia Post.	15.000.000	Congressos	2.500.000
Força e Luz	2.000.000	Diversas	<u>2.500.000</u>
Telefone	4.000.000		80.000.000
Rep. e Cons. Sede	7.000.000		
Aluguéis	23.000.000		
Desp. Div.	<u>7.000.000</u>		
	88.000.000		
	<u>140.000.000</u>		<u>140.000.000</u>

(Buĝeto aprobita en la Ĝenerala Ordinara Kunsido, okazinta la 26-an de Okt. 85)

MALLONGE ...PRI LA BRAZILA MOVADO

ESPERANTO-INFORMADO

IBRAHIM SUED, DENOVE, INFORMAS PRI ESPERANTO - Tio okazis, la 5-an de aŭgusto, en sia amaslegata rubriko ĉe ĵurnalo "O Globo".

ESPERANTO ĈE EDUKA TELEVIDSTACIO - La 15-an de septembro, komunikisto Jonas Rezende dediĉis sian ĉiutagan babiladon al Esperanto: "Esperanto: uma resposta à torre de Babel".

PRELEGO PRI ESPERANTO ĈE LERNEJO SOUZA MARQUES, EN RIO DE JANEIRO - La 22-an de Oktobro, S-ano José Rabello de Paula prelegis al deko da instruistoj de la Lernejo Souza Marques, en kvartalo Tijuca, en Rio de Janeiro. Ankaŭ li sukcesis starigi tie ekspozicion pri Esperantaĵoj kaj disdonis informmaterialon al la gelernantoj. Ĉiusemajne, S-ano Rabello disdonas presaĵojn kun informoj pri Esperanto al kvar lernejoj de Tijuca, kie li jam estis preleginta pri la internacia lingvo.

INFORMOJ PRI ESPERANTO EN GAZETOJ DE NOVA FRIBURGO (RJ) - "Correio Friburguense", la 7-an kaj la 12-an de septembro, kaj "Jornal da Serra", la 12-an de septembro, aperigis informojn pri Esperanto senditajn de S-ano Patrick Petiot.

ĈEFARTIKOLO EN FRAMASONA GAZETO ANKAŬ EN ESPERANTO - En la septembra eldono de "O Preceptor", framasona junulara gazeto, la ĉefartikolo aperis en la angla, hispana, franca kaj ankaŭ en Esperanto. Tute certe, oni ŝuldas tiun agadon al nia S-ano Ricardo França, unu el la kunlaborantoj de la Redakcio.

INFORMO PRI ESPERANTO EN "O MARAUENSE" - La aŭgusta/septembra numero de "O Marauense", gazeto eldonata en Marau, Bahia, publikigis informan artikoleon pri Esperanto, de S-ro Macário J. Santos, sub la titolo "Só o Esperanto resolve".

ARTIKOLO PRI LA VALORO DE ESPERANTO EN "O REFORMADOR" - La oficiala organo de Brazilia Spiritisma Federacio publikigis, en sia septembra numero, interesan artikolon de "Sam Ideano", kiu prezentis ideojn de Ismael Gomes Braga pri la valoro de Esperanto en la hodiaŭa mondo por la disvastigo de la spiritisma doktrino. La artikolo titoliĝas "Línguas e Religiões".

ARTIKOLO PRI ESPERANTO EN "REVISTA AAFBB" - "Esperanto: uma solução para a Babel linguística", de Ruy de Albuquerque estas la artikolo publikigita en "Revista AAFBB", oficiala organo de la Asocio de Eks-Oficistoj de Banco do Brasil, en sia eldono aprilo-sept/85.

ARTIKOLO PRI ESPERANTO EN REVUO "CONTATO" - La julia/aŭgusta numero de la Revuo CONTATO, oficiala organo de la "Associação de Pilotos da VARIG", publikigis tre trafan kaj objektivan informartikolon pri Esperanto. Ĝia aŭtoro: Cop. Elias Ribeiro do Nascimento. "Esperanto-Notícias" de novembro/85 republikigos ĝin.

ARTIKOLO PRI ESPERANTO EN "BOLETIM DO SEVRE" - La septembra numero de "Boletim do SEVRE", oficiala organo de la Inĝeniera Sindikato de Volta Redonda, publikigis tre interesan informartikolon pri Esperanto, sub la titolo "O engenheiro brasileiro e as línguas". Ĝia aŭtoro estas nia S-ano Alberto Flores, kiu sendis fotokopion al ni.

ARTIKOLO PRI ESPERANTO EN "CORREIO POPULAR", DE CAMPINAS (SP) - Sub la titolo "Esperanto, língua mundial, é praticado em Campinas", la 17-an de Oktobro, aperis trafa raportaĵo pri Esperanto en "Correio Popular", ĉiutaga gazeto de Campinas (SP), kun ĝeneralaj informoj pri la lingvo kaj movado kaj la praktika utiligo de la idiomato en la hodiaŭa mondo. Transdonis la informojn al la ĵurnalo, S-anoj Ivanhoé Rodrigues Baracho kaj João Manoel Aguilera Júnior. Tiu lasta sendis al ni la fotokopion de la raportaĵo.



La gazeto "Espaço Democrático", de la 1-a ĝis la 7-a de novembro 85, publikigis la ĉi-supran ĉefdesegnaĵon de Mariano, kie aperas Prezidento Sarney demandante al Deputito Pimenta da Veiga, ĉefrepresentanto de la situacia partio ĉe la Ĉambro de Deputitoj: "Ĉu vi parolas Esperanton?"



Okaze de la Ĝenerala Ordinara Kunsido de BEL, okazinta la 26-an de Oktobro, S-ano Ivon Barbosa (maldekstre), la Ĉefdelegito de UEA en Brazilo, enpostenigas la novan delegiton de UEA, en Rio de Janeiro, S-ano Aloísio Sartorato (centre). Dekstre, aperas S-ano Marinho, Prezidanto de BEL.

MALLONGE ...PRI LA BRAZILA MOVADOESPERANTO-INSTRUADO

NOVA KURSO DE ESPERANTO ĈE USP/SÃO CARLOS - S-ano Aristóphio A.A. Filho informas nin pri la komenciĝo, la 19-an de septembro, de nova baza kurso de Esperanto ĉe USP/São Carlos. Anoncoj pri la kurso aperis en loka gazeto ("O Diário") kaj en la bulteno de la Universitato "Semanário EESC".

KURSO DE ESPERANTO ĈE OFICIALA INSTANCO EN UBÁ (MG) - Laŭ informo sendita al ni de S-anino Edina de Barros Reis, nuntempe, ŝi instruas al 17 ĝelernantoj ĉe "Casa de Cultura de Ubá", oficiala institucio de la Prefektujo de Ubá.

ESPERANTO KURSO EN PROFESIA LERNEJO DE ACESITA, MG - Ekde la 21-a de Oktobro, funkcias intensiva Esperanto-kurso ĉe la Profesia Lernejo de Acesita, laŭ informoj al ni senditaj de S-ano Adonis M. Saliba.

DIVERSAJ

PATRICK PETIOT PREZENTAS EN KULTURKUNVENO DE BEL PROJEKTON PRI "INTERNACIA KODO POR ŜILDOJ PRI SANO - S-ano Patrick Petiot prelegis, la 14-an de Septembro, en la sidejo de BEL, pri "Internacia Kodo por Ŝildoj pri Sano" kaj "Praktikaj Uzoj de Esperanto Dum Vojaĝoj". La unua temo pri-traktis projekton, kiun Patrick prezentos dum la Centjara Jubileo de Esperanto, per kiu li proponas la kreadon de kodo internacie komprenebla por ŝildoj (=tabuletoj pendigitaj super butiko aŭ markinda: lia metodo estas la sama, kiun Zamenhof uzis por krei Esperanton, t.e., la aposteriora metodo. Por realigi la projekton, li devis arigi multajn fotojn de ŝildoj el la tuta mondo per helpo de Esperantistaj korespondantoj. Laŭ li: "Se Zamenhof kreis logikan parolatan lingvon, mi kreas desegnan lingvon per la sama metodo". Due, S-ano Patrick parolis pri siaj spertoj rilate la E-movadon. Li rekonis la grandan utilecon de Pasporta Servo, de Esperantistaj Organizaĵoj kaj de la internacia korespondado sed aliflanke montris realisman opinion pri aliaj sektoroj de la movado. Li klopodis analizi la kialon, pro kiu ekzistas hodiaŭ "eks-E-istoj". Li diris, ke estas malfacile akceptebla la fakto, ke oni volas fariĝi Delegito sed ne povas pro malbona administrado de la Servo aŭ ke, kiam oni skribas al Delegitoj, sendante Internacian Respondukuponon, oni plurfoje ricevas neniun respondon! Tamen, li konkludis, ke Esperantismo estas bela idealo kaj, ke li ne intencas forlasi la Movadon.

FONDOTA ASOCIO DE ADVENTISTAJ ESPERANTISTOJ - S-ano Otaviano Curvelo de Souza petas al ni la diskonigon de la jena informo: "Esperantistoj kiu planas fondi asocion de adventistaj Esperantistoj atendas leteron de kunlaborantoj: Kjell Peder Hoff, Bjorkenes, N-1970 HEMNES i HOLAND, Norvegio".

PLENE SUKCESINTA LA UNUA RENKONTIĜO DE LA ESPERANTISTOJ DE FEDERACIA DISTRIKTO - La 31-an de aŭgusto, okazis, en Gama, satelita urbo de Brasília, la Unua Renkontiĝo de la Esperantistoj de Federacia Distrikto, kun la partopreno de 130 personoj. Interalie, oni fondis GAMEK, Gama Esperanto-Klubo (Laŭ informo aperinta en "Tagiĝo", sep 85).

ESPERANTO-RADIPROGRAMO EN BRASÍLIA - Jen informo aperinta en la supre citita gazeto: "Ĉiusabate, je la 15-a horo, okazas, ĉe "Brasília Super Rádio FM e Estéreo", la programo "Noticoj pri Esperanto, La Internacia Lingvo". La unuan de Septembro, ankaŭ en tiu sama radistacio okazis dissendo de Esperantaj Kanzonoj dum duonhoro. Poste, multaj aŭskultantoj telefonis al la stacio petante informojn pri Esperanto kaj ankaŭ ripetiĝon de la programo".

2-a BAHIA RENKONTIĜO

Kelkaj partoprenantoj de la Dua Regiona Renkontiĝo de Esperanto okazinta la 11-an kaj 12-an de Oktobro 85, en la urbo Muritiba. La foto estis farita antaŭ la Bieno "Cabeceiras", naskiĝloko de Castro Alves, fama brazila poeto. (Laŭ informo de S-ano Marcelo F.C.da Rocha).